

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-7050/19  
Sarajevo, 07.05.2019.godine

Na temelju člana 64. stav (1) tačka b) najniža cijena, člana 88. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, Pravilnikom o uslovima i načinu korištenja E-aukcije ("Službeni glasnik BiH 66/16), a na preporuku Komisije za javnu nabavku radova - putem konkuretskog postupka, Općinski načelnik d o n o s i:

## **ODLUKU**

### **o izboru najpovoljnijeg ponuđača u predmetu - Izvođenje radova na adaptaciji i uređenje I sprata u zgradi Općine Novi Grad Sarajevo**

#### **I**

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na adaptaciji i uređenje I sprata u zgradi Općine Novi Grad Sarajevo, (konkuretski postupak, broj obavještenja 422-7-3-83-3-39/19 objavljen na Portalu javnih nabavki Agencije za javne nabavke BiH dana 27.03.2019.godine), dodjeljuje se ponuđaču KOLINVEST doo Sarajevo, čija ukupna cijena za ugovor, nakon provedene e-aukciji iznosi 59.000,00 KM, odnosno 69.030,00 KM sa uračunatim PDV-om.

#### **II**

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora u spisu.

#### **III**

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

#### **IV**

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona, kao i dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

## Obrazloženje

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na adaptaciji i uređenje I sprata u zgradi Općine Novi Grad Sarajevo, br. 02/12-23-7050/19 od 27.03.2019.godine. Procijenjena vrijednost za predmetnu nabavku iznosi 68.376,06 KM bez PDV-a i 80.000,00 KM sa PDV-om. Javna nabavka provedena je putem konkuretskog postupka za dostavu ponuda br. obavještenja 422-7-3-83-3-39/19 objavljen na Portalu javnih nabavki Agencije za javne nabavke BiH dana 27.03.2019.godine.

Zapisnikom sa otvaranja ponuda od 09.04.2019.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene četiri (4) ponude i to od sljedećih ponuđača: G.D.Konstrukcije doo Mostar, Kolinvest doo Sarajevo, Mont-Gradnja doo Sarajevo i Inter-Com doo Zenica. Zapisnik sa otvaranja ponuda dostavljen ponuđačima na fax.

Analizom ponude ponuđača Inter-Com doo Zenica, Komisija je utvrdila slijedeće:

• U podtački 4.2. Sadržaj ponude stav 10) ; podtačka 3.4.1. stav b) tenderske dokumentacije, traženo je da se za jednog *diplomiranog* inženjera građevinske ili arhitektonske struke, dostavi dokaz o posjedovanju visoke stručne spreme – *diplomirani inženjer građevine ili arhitekture*.

- Uvidom u diplomu br. 362/13 od 28.09.2013.godine izdatu od strane Internacionalnog Univerziteta u Travniku, Saobraćajni fakultet Travnik, osoba je završila I. ciklus studija visokog obrazovanja u trajanju od tri godine, te stekla zvanje Bachelor/Bakalaureat/inženjer građevinskog inženjerstva, sa osvojenih 180 ECTS bodova.

Uvidom u „Pravilnik o korištenju akademskih titula i sticanju stručnih zvanja i sadržaju javnih isprava izdatog od strane Univerziteta u Travniku iz mjeseca februara, 2011. godine, u članu 4. stav II, precizno je definisano da tehničke nauke zvanje diplomirani, stižu tek nakon završetka i II ciklusa studija u trajanju od dodatne 2 studijske godine i dodatno ostvarenih 120 ECTS bodova, što ukupno sa ciklusom I studija iznosi 300 ECTS studijskih bodova. Iz dostavljene diplome, evidentno je da ovo lice ne posjeduje zvanje diplomiranog inženjera građevine, niti posjeduje potrebnih 300 ECTS studijskih bodova, koliko je neophodno da stekne zvanje *diplomirani inženjer*. Iz navedenog je jasno da je ponuđač postupio suprotno traženom u podtački 4.2. Sadržaj ponude stav 10) i podtački 3.4.1. stav b) tenderske dokumentacije.

• Daljom analizom ponude Inter-Com doo Zenica, utvrđeno je da ista nije ispunila uslov tražen u podtački 3.4.1. Tehnička i profesionalna sposobnost; stav c) i podtačka 4.2. Sadržaj ponude stav 11). Naime, ovim podtačkama je traženo da ponuđač ispunji minimalan uslov o obezbjeđenosti opreme za obavljanje predmetnih radova, tačnije da dostavi dokaz o posjedovanju prevoznog sredstva (kamion) nosivosti do 10 t – 1 komad. Kao dokaz o posjedovanju vozila nosivosti do 10 t, od ponuđača je traženo da se dostave saobraćajne dozvole. Uvidom u potvrdu o registraciji AA 3277896, za teretno vozilo registarskih oznaka E05-K-731, utvrđeno je da isto ima nosivost od 27,100 t. Budući da je podtačkom 3.4.1.Tehnička i profesionalna sposobnost stav c) traženo da kamion ima nosivost do 10 t, jasno je da ovaj ponuđač nije ispunio traženi uslov.

Iz gore navedenih razloga, ponuda Inter-Com doo Zenica, je ocjenjena kao neprihvatljiva i nije bila predmet dalje analize i vrednovanja.

Uvidom u preostale tri (3) ponude: G.D. Konstrukcije doo Mostar, Kolinvest doo Sarajevo i Mont-Gradnja doo Sarajevo, Komisija je utvrdila da sve ispunjavaju formalno-pravne i kvalifikacione uslove navedene u tenderskoj dokumentaciji. Komisija je izvršila računsku kontrolu i utvrdila da su zaprimljene ponude i računski ispravne.

Nakon gore izvršenih provjera, Komisija je utvrdila preliminarnu rang listu prihvatljivih ponuda sa ponuđenim cijenama za ugovor, koja izgleda ovako:

1. Kolinvest doo Sarajevo.....cijena 66.633,05 KM bez PDV-a, odnosno 77.960,67 KM sa PDV-om
2. Mont-Gradnja doo Sarajevo.....cijena 68.025,93 KM bez PDV-a, odnosno 79.590,34 KM sa PDV-om
3. G.D.Konstrukcije doo Mostar.....cijena 68.075,70 KM bez PDV-a, odnosno 79.648,57 KM sa PDV-om

Na osnovu tačke 1.5. podtačka 1.5.5. tenderske dokumentacije, kojom je predviđeno provođenje e-aukcije, a u skladu sa Pravilnikom o uslovima i načinu korištenja E-aukcije ("Službeni glasnik 66/16), zakazano je održavanje e-aukcije na Portalu javnih nabavki, dana 25.04.2019.godine sa početkom u 15:00 sati i predviđenim trajanjem iste od 10 minuta. Nakon okončane e-aukcije za predmetnu nabavku, a na osnovu dobivenog „Izveštaja o toku i završetku e-aukcije“, Komisija je utvrdila da konačna rang lista izgleda ovako:

1. Kolinvest doo Sarajevo.....cijena 59.000,00 KM bez PDV-a, odnosno 69.030,00 KM sa PDV-om
2. Mont-Gradnja doo Sarajevo.....cijena 59.100,00 KM bez PDV-a, odnosno 69.147,00 KM sa PDV-om
3. G.D.Konstrukcije doo Mostar.....cijena 62.800,00 KM bez PDV-a, odnosno 73.476,00 KM sa PDV-om

Shodno članu 64. Zakona stav b) - kriterij najniža cijena (tačka 5.1. tenderske dokumentacije) Komisija je, ponudu ponuđača Kolinvest doo Sarajevo ocjenila kao najpovoljniju.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o pregledu i ocjeni ponuda i preporuka Komisije za dodjelu ugovora i Izvještaj o toku i završetku e-aukcije. Na osnovu gore navedenog, odlučeno je kao u dispozitivu Odluke.

### **Pouka o pravnom lijeku**

Ponuđač/i koji su sudjelovali u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

*Enisa Babić, dipl. pravnik*  
Enisa Babić, dipl. pravnik



**Općinski načelnik**  
**mr. Semir Efendić**

Dostaviti:

1. Ponuđaču/ima- učesniku/icima postupka
2. Služba za zajedničke poslove
3. A r h i v i / u spis